

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu, u ulici Zmaja od Bosne bb, koga zastupa dekan prof.dr. Jasmin Velagić (u daljem tekstu: Naručilac usluga)

i.

ZAVOD ZA ZDRAVSTVENU ZAŠTITU RADNIKA U SAOBRAĆAJU - SARAJEVO, sa sjedištem u Sarajevu, ul. Kolodvorska br. 10, koji zastupa direktor prim.dr. Mirsad Mulaomerović, ID:4200187710000; (u daljem tekstu: Izvršilac usluga)

sklopili su slijedeći

UGOVOR O PRUŽANJU USLUGA

Član 1.

Predmet ovog Ugovora je pružanje usluga sistematskih i sanitarnih pregleda radnika Elektrotehničkog fakulteta u Sarajevu, u periodu od 01.09 - 30.09.2019.godine, na temelju Ponude broj 12-2891/19 od 27.06.2019. godine i Odluke o izboru najpovoljnijeg ponuđača br.12-3234/19 od 11.07.2019. godine.

Član 2.

Sadržaj usluga sistematskog ljekarskog pregleda uključuje:

- laboratorijske pretrage (SE,KKS,DKS,ŠUK, željezo, holesterol, trigliceridi,urin,urea,kreatinin, bilirubin, ASAT, ALAT, GGT, ac. uricum, proteinogram),
- ljekarski pregled specijaliste oftalmologa,
- ljekarski pregled specijaliste stomatologa,
- ljekarski pregled specijaliste neuropshijatra,
- pregled psihologa,
- ljekarski pregled specijaliste medicine rada sa izvještajem,
- EKG snimak srca sa interpretacijom,
- RTG snimak pluća,
- UZ štitne žlijezde,
- UZ abdomena.

Cijena pregleda sa navedenim sadržajem iznosi 80,00 KM bez PDV-a po radniku.

Član 3.

Sadržaj usluga sanitarnog pregleda radnika uključuje:

- Bakteriološki pregled brisa nosa i grla na piogeni stafilokok i betahemolitički streptokok grupe A (kliconoštvo), te opis rezultata u sanitarnu knjižicu.

Cijena pregleda sa navedenim sadržajem iznosi 20,00 KM bez PDV-a po radniku.

Član 4.

Mjesto izvršenja usluga sistematskog i sanitarnog pregleda je na adresi Izvršioca usluga.

Preventivni sistematski i sanitarni pregledi obaviti će se u vrijeme i na način koji odgovara radnicima Naručioca usluga, u dogovorenom terminu, u periodu od 01.09. - 30.09.2019.godine.

Član 5.

Izvršilac usluge mora biti u mogućnosti omogućiti svim radnicima Naručioca obavljanje sistematskog i sanitarnog pregleda u skladu sa Ponudom unutar ugovorenih dana.

Član 6.

Izvršilac usluga se obavezuje obavljati usluge iz člana 2. ovog Ugovora savjesno, stručno i kvalitetno u skladu sa zahtjevima Naručioca, odredbama ovog Ugovora, te zakonskim propisima i pravilima struke.

U slučaju neadekvatnog obavljanja ugovorenih usluga od strane radnika Naručilac ima pravo zatražiti drugog radnika na tim poslovima, a Izvršilac usluge se obavezuje tom zahtjevu odmah udovoljiti.

Izvršilac usluga se obavezuje obavljati ugovorene usluge u dogovorenim terminima, u skladu sa zahtjevom Naručioca.

Naručilac se obavezuje dostaviti Izvršiocu popis osoba za obavljanje sistematskih i sanitarnih pregleda.

Član 7.

Naručilac se obavezuje da će naručenu i obavljenju uslugu platiti u roku od 30 dana od dana prijema fakture, a prema broju stvarno izvršenih pregleda.

Izvršilac je saglasan da dostavi mjesečni račun izvršenih pregleda koji sadrži u prilogu detaljno izvješće o broju osoba kojima su u fakturisanom razdoblju pružene usluge.

Izvršilac usluga je dužan da za obavljene sistematski ljekarski pregled izda izvještaj na obrascu ZP-2 za svakog radnika.

Član 8.

Ugovorne strane su saglasne da se ovaj Ugovor zaključuje za period do izvršenja ugovorenih usluga iz člana 2. i 3. ovog Ugovora.

Član 9.

U slučaju da nakon zaključivanja ovog Ugovora nastupe vanredne i neočekivane okolnosti uslijed više sile, koje ugovorne strane nisu mogle predvidjeti niti izbjeći i posljedica kojih je nemogućnost ispunjenja ugovornih obaveza, strana koja je saznala za njeno nastupanje dužna je o tome pisano obavijestiti drugu stranu, u roku od tri (3) radna dana od dana nastupanja okolnosti više sile.

Član 10.

Na odnose ugovornih strana koji nisu drugačije regulisani ovim Ugovorom primjenjuju se odredbe Zakona o obligacionim odnosima.

Član 11.

Ovaj Ugovor je sastavljen u 4 (četiri) istovjetna primjerka, od kojih svaka ugovorna strana zadržava po 2 (dva), te u znak prihvatanja prava i obveza predstavnici ugovornih strana isti vlastoručno potpisuju.



IZVRŠILAC USLUGA

Direktor

Prim. dr. Mirsad Mulaomerović

Broj: 1605/19
Datum: 19.08.19



NARUČILAC USLUGA

Dekan

Prof.dr. Jasmin Velagić

Broj: 02-3388/19
Datum: 18.07.2019